



**Siunnersuut uunga Utoqqalinersiaqarneq pillugu Inatsisartut inatsisaata aamma siusinaartumik pensionisiat pillugit Inatsisartut inatsisaata allanngortinneqarneri pillugit Inatsisartut inatsisaat (Utoqqalinersialinnut siusinaartumillu pensionisialinnut pensioninik naatsorsuinermi pilersuisussaaqatigiinnerup atorunnaarsinneqarnera)**

(Isumaginninnermut, Suliffeqarnermut Nunamullu Namminermt Naalakkersuisoq)

(Siullermeerneqarnera)

**Utoqqalinermi soraarnerussutisiat akileraarutaasarunnaarnissaannut periarfissat pillugit Naalakkersuisut nalunaarusioqqullugit peqquneqarnissaannik inatsisartut aalajangiiffigisassaatus siunnersuut.**

(Inatsisartuni ilaasortaq Aqqalu C. Jerimiassen, Atassut)

(Siullermeerneqarnera)

Siunnersuutini siunnersuuteqartunut qujanaq, Demokraatit sinnerlugit oqaaseqarfigissavakka.

Uatsinnut Demokraatinut pingaartuuvoq, utoqqartagut pitsaasumik, ataqqinartumillu utoqqalinissaasa qulakkeernissaat. Eqqaamassavarput, utoqqaat inuunertik tamaat sulisimmammata pilliuteqqaqataallutillu nunatta ineriartorneranut. Tamanna nuannaarutigissavarput qujaniutigalugulu. Taamaattumik pingaartuuvoq, tamatta utoqqartagut ataqqinartumik pisassagatsigit.

Sivisuumik Demokraatinit kissaataasimavoq pilersuisussaaqatigiinnerup utoqqalinersiutit naatsorsornerini malittarisassat peerneqarnissaa. Taamatuttaaq tamanna Inatsisartuni amerlanerussuteqartunit isumaqatigineqarpoq. Taamaattumik nuannerpoq, siunnersuut taamma Naalakkersuisunit saqqummiunneqarmat, ataatsimoorluta piviusunngortitassatsit.

Inatsisartunut ilaasortaq Aqqalu C. Jerimiassen siunnersuuteqarpoq, misissuisoqassasoq, utoqqalinersiutillit akileraarutitut akiliisannginnissaannut periarfissanut erseqqissaatissanik. Demokraatit siunnersuut soqutigintippaat. Isumaqarpugut, misissuineq akileraarutitut akiliisarunnaassagaluarpata aningaasatigut naatsorsuutitut sukumiisunik imaqassasoq. Taamatuttaaq pæingaartuuvoq, utoqqaat tusaaneqarlutillu ilaatinneqarnissaat misissuinerup suliarinerani, Demokraatit kissaatiginnigimmassuk utoqqaat qoqassineqarnissaat.

Demokraatit taamatut oqaaseqaateqaarlutik siunnersuutit Ilaqutariinnermut- aamma Peqqissutsimut ataatsimiititaliami suliarineqarnissaa innersuussutigaa.